

SERVISU MIGRASAUN KAPTURA TAN SIDADAUN ESTRANJEIRUS NA'IN 30

Sidadaun estranjeiru nain 30 ne'e hetan prende iha area Comoro, liu husi operasaun ne'ebe hala'o husi Polisia Servisu Migrasaun (SM) iha loron Tersa feira 20 Janeiru 2015, tamba uza vistu turista maibe halo servisu iha Bar no restaurante balu.

Komandante sektor operasaun Servisu imigrasaun Assistente Inspetor. Luis do Carmo Perreira informa katak, operasaun ne'e konsege identifika sidadaun estranjeiru nain 8 ne'ebe hala'o servisu iha Kompania balun, maibe dokumentu la kumpletu.

"Horikalan ami halo operasaun iha parte area Comoro nian iha Bar karaoke, no ami konsege detekta sidadaun estranjeirus hamutuk ema nain 30. Husi ema na'in 30 ne'ebe identifika ona iha fatin neba, sira laiha dokumentus hotu, entaun ami lori sira mai kedas iha sede servisu migrasaun Vila-Verde Dili. Nune'e sira balu liga via telefone ba kedas sira nia familia sira atu lori sira nia dokumentus mai hodi verifika, atu hodi hatene sira ne'ebe maka uza vistu trabalhu, sira ne'ebe iha vistu rezidencia permanensia. Hafoin ami halo notifikasaun hotu sei fo fila fali, depois sira ne'be maka uza vistu turista ne'e ami fo notifikasaun ba sira haruka fila. No ohin dader san sira sei hodi fali notifikasaun ne'ebe entrega ona ba sira, hodi mai apresenta fali iha migrasaun hodi loke prosesu normal ba sira.

Sidadaun estranjeiru sira ne'ebe maka horkalan ita detekta ne'e barak liu maka mai husi Xineza hamutuk ema nain 14 ho vistu turista, sidadaun ida husi Singapura. No prosesu ba sira maka, tamba sira viola vistu, ida ne'e ita sei fo aartigu 119 ba sira, hodi selu multa hamutuk \$ 250 ba kada ema ida".

Nia mos hatutan katak, operasaun ne'e hodi kontrola kompanias ne'ebe fo servisu ba trabaladores estranjeiru, maibe tenki tuir regulamentu ne'ebe iha. Hateten komandante operasaun ba media SES iha nia servisu fatin migrasaun Vila-Verde Dili, Kuarta (21/01/15).

Gil Asis

Ofisial Media
